

1. UVOD

Evropska unija kao zajednica, predstavlja dvadesetosam evropskih država koje čine Evropske integracije. Ona je oformljena pod sadašnjim imenom kao integracija zemalja po Ugovoru o Europskoj uniji, iako je ugovor poznatiji pod imenom Maastrichtski ugovor iz 1993. godine. Veliki broj sadašnjih prisutnih aspekata Evropske unije su postojali i prije potpisivanja Maastrichtskog ugovora kao glavne odredbe, poveznice i preteče jedne od najmoćnijih integracija na svijetu. Svakako, sve te aspekte činile su razne dotadašnje organizacije koje su egzistirale samostalno, a bile su oformljene '50-tih godina dvadesetog vijeka.

Većina političkih aktivnosti Evropske unije ogleda se u mnogim sverama, koje su svakako dosta raznolikije i obimnije od same politike, jer se kreću od zdravstva i ekonomske politike pa sve do inostranih poslova i obrane. U zavisnosti od razvijenosti svake zemlje članice Evropskih integracija ponaosob, organizacija kao što je Evropska unija, ipak se razlikuje u dosta različitih oblasti, te zbog ovog elementa što svaka zemlja članica nije podjednako razvijena i nema sličnu ekonomiju ni privredu, na različite načine omogućuje normalano u jedinstveno funkcionisanje Evropske unije kao cjeline.

1.1. Predmet i problem ispraživanja

U radu će najviše riječi i osvrta biti na funkcionisanju fondova Evropske unije koji su većim dijelom zaslužni za rast i razvoj ekonomija zemalja koje imaju status kandidata ili potencijalnog kandidata za članstvo u Evropske integracije, među kojima se nalazi Bosna i Hercegovina.

1.2. Cilj istraživanja

Cilj istraživanja predstavlja razvoj i status potencijalnog kandidata koji ima država Bosna i Hercegovina za pristup u intergacije Evropske unije, te na njenu podršku i finansiranje za realizaciju razvojnih projekata od strane IPA fondova.

1.3. Osnovna hipoteza

Finansiranje kroz fondove Evropske unije namijenjeno je svim državama koje su podnijele aplikaciju za status kandidata ili potencijalnog kandidata, a u isto vrijeme im je ta aplikacija odobrena. U radu se stavlja akcenat na razvoj Bosne i Hercegovine kao potencijalnog kandidata za članstvo u Evropske integracije koja mora da prilagodi svoje zakonodavstvo, politike i ekonomiju Evropskim normama.

Stoga, hipoteza rada glasi: IPA fondovi, kao programi podrške za implementaciju i finansiranje projekata, imaju ogromnu ulogu u pružanju podrške i procesu reformi Bosne i Hercegovine u procesima integracija i pristupa Evropskoj uniji

1.4. Naučne metode

Naučne metode koje su korištene: analize, sinteze, indukcije, dedukcije i studij slučaja.

1.5. Struktura rada

Prvi ili uvodni dio rada se odnosi na problematiku koja je razrađena u daljem tekstu, te se osvrće na metode, načine i strukturu problematike.

Drugi dio govori o strateškom razvoju i nastanku Evropske unije kao jedne od najmoćnijih organizacija u svijetu i kakav uticaj Evropska unija ima na Bosnu i Hercegovinu.

Treći dio govori o raspoloživosti fondova i programa iz Evropske unije namjenjenim za finansiranje, razvoj, unapređenje i implementaciju projekata u Bosni i Hercegovini koji vode ka pridruživanju u Evropske integracije.

Četvrti dio jasno prikazuje podršku iz IPA fondova namjenjenu Bosni i Hercegovini kao zemlji koja ima status potencijalnog kandidata. U četvrtom dijelu su prikazane komponente iz IPA fondova koje Bosna i Hercegovina može da koristi sobzirom da joj još uvijek nije odobren status kandidata.

Zaključak predstavlja zadnji dio, te objedinjuje kompletan rad i daje kratak osvrt prikazanog.